



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

In effigiem D. Lucaë. Ode Sapphica. XXXII.

**urn:nbn:de:hbz:466:1-44973**

In effigiem Marci Euangelistæ.

*Ode Dicolos Tetraſtrophos. XXXI.*

**E**T te, Marce pater, carminis ac lyræ  
 Laudes perpetuis temporibus decent,  
 Quas Nilo resonent mœnia proxima,  
 Illuſtris Macedum labor:  
 Et quas multiuagis littoribus mare  
 Exultans referat, qua lauat, aut ſecat  
 Quicquid tergeminis Lamecides ſoli  
 Natis diſpoſuit pater.  
 Nam nec te aſiduis culta laboribus  
 Terret diſcipulum religio recens,  
 Nec laſſat comitem caſibus aut viæ  
 Aut ponti ſenior Cephas.  
 Tu Chriſti gregibus credita munia  
 Paſcendis, ſtudio perſicis arduo:  
 Aegyptumque colis, iactaque ſemina,  
 Quæ ſeuit Petrus, irrigas.  
 Quin & tu exiguo magna volumine  
 Arcani reſeras munera Nuntij,  
 Atque vnus propriis temporibus breuem  
 Aptas principio notam.

## SAPIENTIAE COMPENDIUM.

Parue liber, quid tu doceas, non percipit omnis  
 Mundus: at id mites percipiunt animi.

CHRISTIANAE VIRTUTIS  
OBSERVATORI P.

In effigiem D. Lucae.

*Ode Saphica. XXXII.*

**Q**ui ſalutari recreabat arte  
 Membra languenti vitiata morbo,  
 Nunc recurandæ meliora menti  
 Munia tractat.  
 Namque vbi magni monitis magiſtri  
 Doctus, humanæ didicit ruinæ  
 Tempora, & cauſam, & reparantis æuam  
 Vniſque modosque;

Nouit



Nonit & certo propius periclo  
 Quid mali Christus releuare morbi  
 Possit: exsultans animum supernas  
 Vertit ad artes.

Ile inaccessio repetens ab ortu  
 Gesta mirandi genus atque Christi  
 Scribit, & quantum renouarit almus  
 Spiritus orbem.

Additus Paulo socius ministro,  
 Et comes sidus pelagi ac viarum  
 Subleuat grato officio labores,  
 Testis & index.

## LVX EXPEDITA.

Vnus erit maguæ mentis linguæque disertæ  
 Optimus, in factos incubuisse libros.

VERITATIS EXPOSITORI  
DISERTO P.

In effigiem D. Ioannis Euangelistæ.

Ode Dicolos *Distrophos*. XXXIII.

Q Vis te mente noua potens  
 In cælum iuuenem spiritus arripit,  
 Plenum numine viuido?  
 Vt mundo referas Progeniem Dei,  
 Calatam patribus prius,  
 Obscuræ adeo nomine cognitam.  
 Namque & te puerum nouis  
 Annis ingenio nouimus laud propè  
 Tantis muneribus parem.  
 Non humana tibi discipulo dedit  
 Ars vel scire, vel eloqui,  
 Quæ nullis emere aut diuitiis queas,  
 Aut longo studio sequi:  
 Quamquam Socraticos admoueas libros,  
 Et quæ porticus inclyta  
 Arguto reperit dicta volumine.  
 At te non hominum reor,  
 Sed magni monitum consiliis Patris,  
 Percurrisse poli vias,  
 Arcana & docili credita pectore,

Quæque